



UNIVERSITÄTS-
BIBLIOTHEK
PADERBORN

Universitätsbibliothek Paderborn

Codex traditionvm Corbeiensivm

Falcke, Johann Friedrich

Lipsiae ; Gvelpherbyti, 1752

§. 230. De bonis traditis in villa Hrodberteshusen in pago Nithega.

urn:nbn:de:hbz:466:1-36114

Ab anno
854 vsque
877 re-
gnante
Hudo-
nico et

§. 230.

Tradidit abbo quiddid habuit in *brodbertesbusen* (E) testef eifult adaluuard hunuuarduf ecbert adalhard berndac redmer ado harid.

§. 231.

Ansfriidus scilicet Traiectensis episcopus, ad caelestem vitam euectus fuit anno 1010, Indiēt. VIII, *Vita Meinweri* teste, p. 524. Confer ea, quae supra de hoc Traiectensi episcopo ex Hedæ *Hist. episc. Ultrai.* adduximus.

3) Thia-
dricus.

Nomen patris *Ansfriidi* iunioris, a coetaneo historico relatum, nondum deprehendimus. Probabilissime autem videtur pater *Ansfriidi* episcopi fuisse *Thiadricus*, cuius meminit Widekindus noster *Annal.* L. III. p. 654 qui cum Wichmanno iuniore, eius *comprouinciali*, nouum exercitum ad supplementum veteris anno 952 e Saxonia ad Ottonem Magnum duxit, atque a Luidolfo, Ottonis filio, ac Duce Conrado, in terminis Francorum retrocedere coactus, in Saxoniam reuertit, magnis promissionibus a Luidolfo ad defectionem ab Ottone caesare molendam tentatus. Verisimiliter autem huius *Theodoric* filius, ideoque *Ansfriidi* episcopi frater, videtur fuisse *Thiedericus*, cuius fit mentio in *Vita Meinweri* p. 557. et 559, et qui ad annos 1024, et 1030 dictus fuit *comes Fresoniae*. De his eorumque posteris agendum mihi est in *Clientela Corbeiensi* copiosius.

4) Mah-
tilda re-
gina.
5) Fre-
derina.
6) Bia-
7) Amal-
rada.

Nihil ergo restat, nisi vt pauca addamus de fororibus reginae *Mabtildae*. De sorore eius *Frederina* eiusque siliabus iam supra §. 104. disseruimus, in stemma Brunonianum supra commentati. *Amalradam* vero Sigefridus, in *Vita Theodoric* episcopi *Metensis*, Tom. I. Leibn. p. 294 seq. appellat *sororem reginae Mabtildis*, atque *uxorem Euerardi comitis in pago Saxonia Hamalant*, nec non *matrem Theodoric* episcopi *Metensis*. *Metensis* episcopus habuerit oportet fratrem, cuius autem nomen non exprimitur neque esse potest, vti doctissimus quidam vir censer, Henricus dux. Quamuis enim Ditmarus p. 388, *Henricum* appellet *ducem fratrem Thiedrici ep. metensis*, noster tamen Theodoricus intelligi nequit, sed designatur Theodoricus II, siquidem Thiedericus et Henricus dux regi Henrico II molestiam intulerunt anno 1007, quo anno episcopus noster iam dudum vitam cum morte commutauerat. *Theodoricus* autem Widikindeus T. I. Leibniti p. 309 seq. nominatur patruus pueri *Euerardi*, qui mortuus est anno 978. Huius pueri *Euerardi* patrem fuisse *Meinwercum* comitem, qui, teste Widekindo nostro, *Annal.* Lib. III p. 654 ictu sagittae periit anno 953, in itinere comitans Ottonem Magnum, putat I. G. ab Eccard in *Histor. Geneal.* p. 31. seq. Sed cum in *Vita Theodoric* episcopi l. c. asseratur, hunc *Euerardum*, fratrualem episcopi *Metensis*, immatura falce mortis *vix dum decennem* abscissum, *Meinwercus* ille, qui obiit anno 953, pater *Euerardi*, qui natus fuerit necesse est anno 968, esse non potuit. Quantum vero coniectura auguramur, *Meinwercus* fuit frater *Theodoric* episcopi *Metensis*, de cuius filia *Imma* iam egimus supra §. 104. *Bia* tandem nuncupatur soror reginae *Mabtildis*. Eam mortuam esse VIII. Kal. Iunii, refertur in *Annal. Treuirensibus*. Fuisse eandem *Frederinam* quoque uxorem comitis *Wichmanni*, e *Ditmaro* ostendimus iam supra §. 104.

De villa
Hrodber-
teshusen,

(E) Villa *Hrodbertesbusen* sita erat in pago *Nitbega*, testante nostro Registro Bonorum Abbatiae Corbeiensis. Significatur villa desolata, quia in toto illo tractu, qui olim pagus *Nitbega* appellabatur, eiusdem nominis villa hodie non reperitur. Putamus autem, eandem villam quondam exstitisse inter *Steinberg* et *Driborg*, vetustum castrum in episcopatu *Paderbornensi*, in loco, vbi adhuc inuenitur *der Rutbe*- seu *Rotebusen-born*. In eadem regione familiae, *Widikindea* et *Brunoniana*, bona sua hereditaria habuerunt. Ideo videtur *Abbo*, qui bona sua in *Hrodbertesbusen* largitus est, vel ad familiam *Widikindeam*, vti supra fecimus §. 104. not. (I) vel ad *Brunonianam* videtur referendus. Si posterius placet, non plane dissentimus, quia *Heinricus Leo*, qui heres *Brunoniana* stirpis fuit, in eadem villa possedit bona quaedam. Quaestio inde oritur anceps, an *Abbo*, cuius nomen contractum est ex *Adalberto*, frater fuerit *Luidolfi* ducis *Saxoniae*, a quo *Cobbo* comes filium quendam suum *Abbonem* seu *Adalbertum* appellauerit, vti §. 104.